

普安直隸廳志卷之二十

藝文志

文 詩

史之有藝文志由來舊矣然僅存其目不載其文志則薈萃佳章併作一帙以爲全書之殿其體例微有別焉廳舊無文學自前明經理滇雲而茲土遂爲孔道騷人之蠟屐儒吏之文旌日馳逐於鷹崖鳳嶺間狃烏蠻花曉迎冠蓋琴絲鶴影晴映牂柯勝水名山題咏殆徧又得楊沈二君相與提倡宗風廳之才而

普安廳志

卷之二十

一

俊者希風競奮羣肆力於詩古文詞而藝文乃卓卓可傳兵燹之餘書橐均散失罕存留意蒐羅祇得此數蓋遺佚爲不少矣稍加抉擇擷其菁華沙礫沃而金珠明蕪穢剪而蘭蕙見亦黔中文學之藪哉他志多紀

詒諭大哉

皇言允宜誦習第篇帙浩繁無專言普安事

微臣愚闇未

敢妄爲去取茲編首錄奏疏著時政也至序記碑銘諸作及古近體詩則各依類編次略以時代爲先後



後之覽者可以興矣志藝文

普安廳志

卷之三十一

二



普安直隸廳志卷之二十

藝文

文一

輕徭薄賦疏

明蔣克達

爲叩籲天恩酌減差糧以甦官民疾苦事竊照普陽一郡地接雲貴之衝民居悍犷之穴山多田寡土瘠民貧歷古號稱難治自壬戌年木躡叛逆附近彝蠻蜂屯蟻聚攻圍一載有奇南北五所軍屯盡遭殺戮十室九空至癸亥年正月十八日夜擄劫紳士軍民

普安廳志

卷之二十

一

綁賣水西鎮雄烏蒙忙部者部等處不下七八千人後雖勉強恢復而荒城村落四顧坵墟二十年間生聚招徠不能及百分中之一也及至亥子兩年復遭毛政普陌歸順歸集等營狡焉狂逞百計吞噬寥寥孑遺慘滅殆盡幸蒙

皇上發兵招撫雁鴻漸集然皆救生扶傷鳩形鵠面雖鄭俠之圖不能盡繪者也頃蒙

皇上賞假旋普目擊貧民無不四壁呻吟痛苦不堪言據五所軍屯訴稱每屯糧一分舊納倉斗四碩二斗每



民科一畝五升三合五勺今派市斗米三斗躡踏雖均加增不無溢額卽儘田之所出不能賠納正供且有瘠田水旱則賣耕牛鬻妻子以完官者兼以差役繁難一人之身運硝黃運花布柴炭馬草輪蹄絡繹晝夜不休其苦更非筆舌所能罄況夫四夷荼毒旣無力耕之人終年終月應役應差且無暇耕之日征輸過重賠累艱難且無牛種乏資糧所以連年以來久荒者不能開墾已熟者又復拋荒民旣因而下情未能上通催科難而徒苦有司之心血若不稍示變

通急施救濟誠恐零丁百姓饑寒切體勢必轉徙逃亡卽今惟正之供未必能持久而無虧耗之日也臣雖下愚不當出位忘言然念切民依憂深國計恭惟皇上治如天覆視民如傷之日不敢不泣血爲民請命伏乞

皇上大施惻隱每屯糧一分量減米一石每科糧一畝量減米一斗一切雜派差徭有可以減省停革者悉賜有定畫使得盡力南畝以供租賦有不遵令旨苛擾下民者法無赦仍頒賜令諭揭示通衢與民更始將



見遠來近悅起死回生不致窮蹙舊額不致短少軍  
儲不致匱乏安見薄斂非厚生之道而恤民非養兵  
之上策歟

表題吳氏節烈疏

馮晉卿

題爲遵例表揚節烈以勵風化事臣竊惟民風至今  
日而凌夷矣朝廷化民成俗盛心三令五申臣綱紀  
一方無日不宣揚教化罔敢少懈每念士人之守己  
如女子之守身二者並重揚女貞以勵閭閻卽借女  
貞以勵士行誠今日維風易俗之急務也臣每巡行

普安廳志

卷之二十

三

首問忠孝節義若事有可紀行無大奇者卽照例表  
闡旌以布粟不敢概見啟事其應請旨旌表者爲已  
故烈婦吳氏係普安州貢生蔣橋之妻於萬曆三十  
二年生一十四歲適夫蔣橋於天啓三年安賊陷城  
氏夫蔣橋爲賊擊掠幾死復執吳氏罵賊不辱挺身  
投烈焰之中自焚時年二十歲道府通詳到臣復行  
提學僉事龍文光查覈無異呈報前來該臣看得見  
危授命人臣節也自廉耻道喪而偷生苟免之事屢  
見於縉紳大夫之間吳氏以一婦人能力持大義罵



賊亡身烈烈轟轟視巨焰爲植節之場與日月爭光  
可也男子中猶不可多得况井臼中饋者豈易能耶  
伏乞勅下禮部卽將本婦節烈再照查覈請旨照例  
從優旌表於以維正氣而勵民風匪淺矣臣無任悚  
息待命之至

添設驛遞疏

國朝佟鳳彩

爲黔山萬疊驛路險遠異常馬匹萬難支持謹繪圖  
恭請

睿鑒勅部亟爲調劑添設以速軍機以蘇驛困事竊惟天

普安廳志

卷之二十

四

下之苦累者莫過於驛站驛站之險遠最苦者莫甚  
於黔省夫黔省爲滇南咽喉之地在在皆石山峻嶺  
上則登天下則履壁上而復下下而復上俗言地無  
三里平者委無虛謬也夫擡一站勢必足破肩穿馬  
走一站亦必蹄癩脊爛甚至力不能勝中途逃斃者  
往往有之且以每驛額馬不過五十匹夫不過一百  
名每馬日支稻穀不過五倉升草一束每夫日支米  
不過一倉升銀一分五釐當此滇黔孔道往來差使  
如織司驛者徒被參處究竟無補實用此黔省道路



之艱險非臣敢臆說卽當日領兵闢黔之諸大臣與夫近日往來之

欽差皆身履其地而目擊其苦者也蓋前此之所以勉力支撐者當軍興旁午之時不暇計及於民夫馬雖有官應之名其實協幫於闔省之里甲以致天末民苗耕不能耕織不能織苦累難堪流離日甚但屢奉

嚴綸不許私派百姓於康熙八年七月內臣與督臣再四籌酌將百姓協幫驛站者痛加革除止責令司驛各官極力應當今已年餘百姓雖稍有起色田土漸墾獨驛站去其幫貼實萬難撐持兼之黔省今歲馬匹瘟疫更甚倒斃益多臣現在另疏具

題今除各站坡嶺雖險而道路稍近者不敢妄請外如貴陽之東至湖廣則有興隆以至清平驛實有九十餘里除無名坡嶺不計外中有鬼門關坡黃猴坡小觀音坡大觀音坡落蹬坡皆崇山峻嶺中隔一重安江應於重安江設一腰站清平以至平越驛實有八十餘里除無名坡嶺不計外中有蠟梅坡三十三坎坡楊老坡羊場坡三郎坡葛橋坡皆艱險異常應於



楊老設一腰站平越以至新添驛實有一百餘里除無名坡嶺不計外中有五聖關坡倒馬坡虎場營坡黃絲坡西陽坡猓獾坡打杵坡望城坡皆石如狼牙人足馬蹄無有不傷者應於黃絲設一腰站再如貴陽之西至雲南者如查城驛以至安南驛實有一百餘里除無名坡嶺不計外中有梅子坡黃土坡北極觀坡盤江河盤江坡保甸坡哈馬坡高則一望無際深則萬丈有餘應於盤江設一腰站安南以至新興站實有九十餘里除無名坡嶺不計外中有馬跑泉

烏鳴坡臘茄坡江西坡泥納坡陡如立壁行似穿雲應於江西坡設一腰站新興以至普安驛實有八十餘里除無名坡嶺不計外中有望城坡羅漢坡爛橋坡鸚哥嘴坡軟橋坡舊普安坡鉉壇坡倒馬坡皆懸崖深澗盤旋崎嶇應於軟橋坡設一腰站以上六站路遠山高馬力愈竭而鞭策愈疾以至壯者傷疾者斃司驛者痛哭無術報倒者幾無虛日若不亟爲調劑必致整頓無期故臣敢以冒昧請設腰站每站照例設馬五十匹馬夫二十五名其六站驛丞倘另議



設官不無添官之費查興隆衛現有經歷一員可以移至重安腰站喂馬支應而督理銷算仍責成興隆衛守備平越衛現有經歷一員可以移至楊老腰站喂馬支應而督理銷算仍責成平越衛守備平越府現有經歷一員可以移至黃絲腰站喂馬支應而督理銷算仍責成平越府永寧州現有吏目一員可以移至盤江腰站喂馬支應而督理銷算仍責成永寧州知州安南衛現有千總一員可以移至江西坡腰站喂馬支應而督理銷算仍責成安南衛守備

普安州現有吏目一員可以移至軟橋腰站喂馬支應而督理銷算仍責成普安州知州至於買馬銀兩查有康熙八年

奏銷驛站節年存剩銀一萬五千餘兩應將此項銀兩動支買馬三百匹六站均分喂馬料穀馬夫食米應於貴州官庄租穀秋糧內通融支給統候年終

奏銷惟是設站之後馬有倒斃例應添補及應用鞍屨腳蹠藥餌棚厰斲刀以及馬夫工食等銀每年約該一萬一千九十餘兩黔省實無別項可動勢必於他



省餘剩驛站銀內照數撥黔協濟庶遐荒民苗之殘苦得以稍蘇而緊急軍機均有攸賴矣臣非不知錢糧匱乏之際偏僻驛站尙在議減議裁猶敢添設糜費但臣身任地方之責目擊其艱不得不痛陳於我皇上之前也

題覆鹽價疏

慕天顏

爲酌定鹽法事該臣看得黔省普安等處先經行令改食滇鹽准雲南撫臣王繼文咨議每百觔定價四兩六錢臣經據疏請部覆價太昂恐致累民行臣會

普安廳志

卷之二十

八

同川撫查明川鹽時價具

題再議遵行行貴州布政司並咨四川撫臣先准雲南撫臣王繼文咨稱滇省黑井課重在井鹽滷每觔已辦納課銀一分六釐加以煎燉駝運工本腳費前定每百觔賣價四兩六錢委無浮冒今再減銀三錢止定四兩三錢以遵部駁等因准川撫臣姚締虞咨覆川省燉造之鹽本地市價每觔止值銀一分五釐若運販至黔需用挑負腳價應值若干當聽在黔酌議等因據貴州布政司柯鼎轉行普安安南各州縣衛



查訪市價則稱近日川鹽每觔止賣三分及三分四釐以至四分不等消長不一原係因地隨時從不定價若滇鹽定價四兩三錢恐窮荒苗民不能舍賤食貴莫若仍食川鹽以從民便詳請前來臣查川鹽價值產土工本甚賤故運販至黔每觔止賣三四分不等商民均稱便益若滇鹽之價產土工本已貴前議每百觔四兩六錢乃將工本腳價逐項確核所定原無浮冒今卽勉遵核減定以四兩三錢亦與川價較浮仍難強民舍賤食貴若欲將滇鹽倣照川值減價

賤售則又虧損商本兩者均爲未便察詢往例普安等處原食川鹽其改行滇鹽乃從滇商之請雖有便於滇課然將來川課有虧此盈彼縮仍無補於公家况普安一帶皆荒瘠苗蠻食鹽爲民間日用必需豈堪重價抑勒誠如部覆價值太昂必致累民也臣再四思維莫若悉遵舊制仍食川鹽不必定價聽從商民隨便貿易於以軫恤荒殘利賴非淺矣

改設州縣疏

范承勲

爲查議冗員以培民力事該臣看得滇黔衛所併歸



臣仰體

皇上愛民至意悉心籌畫從議汰冗員甦息軍民起見到任後卽檄行二省藩臬會同妥議通詳除滇省各衛所已經臣議裁具

題在案據貴州布政使柯鼎會同按察使李之粹公詳復批令再加確議茲據詳稱查黔省衛所康熙十一年間已將清平等五衛改縣安莊衛改州現今尙存十五衛十所其間有專城者有府州同城者有與州縣犬牙相錯者軍丁耕田納糧與民無異所當分晰

普安廳志

卷之二十

十

裁併改設如偏橋衛在鎮遠一府兩縣之間查施秉縣民糧稀少應將偏橋衛裁併施秉縣仍屬鎮遠府管轄裁去守備一員至施秉縣原未設學裁去衛教授一員改設縣訓導一員舊衛地方應設偏橋驛驛丞一員管理驛務興隆衛地錯黃平應將興隆衛裁併黃平州移州於衛治管理驛站仍屬平越府管轄裁去守備一員經歷一員其原設興偏營改爲黃施營營制照舊至黃平州學原兼餘慶甕安二縣學今州治旣移興隆裁去教授一員以州學正移駐衛治



於甕安縣另設訓導一員兼攝餘慶縣學務新添衛附近貴定縣田賦無多應將新添衛裁併貴定縣移縣於衛治管理驛站仍屬貴陽府管轄裁去守備千總經歷各一員查貴定縣原與龍泉縣合學今裁去衛教授一員改設縣訓導一員貴州貴前二衛同附會城應裁改爲一縣恐兩縣地方差徭不均將附近新貴縣量行割附應各貴筑縣亦屬貴陽府管轄至兩衛原未設學應無庸議裁去守備千總各二員經歷一員改設知縣典史各一員此貴東各衛之當裁

併改設者也如鎮西威清二衛壤地相接應共設一縣而以赫聲威武二所附之縣治駐於威清管理驛站應各爲清鎮縣裁去守備千總經歷守禦所千總各二員改設知縣典史各一員查鎮西衛原附安順府學今二衛改設一縣裁去威清衛教授一員改設縣訓導一員平霸衛路當孔道管理驛站應改設一縣卽名安平縣以附近之柔遠所附之裁去守備千總經歷守禦所千總各一員改設知縣典史各一員裁去教授一員改設訓導一員安南衛亦在大道管



理驛站應改爲一縣各安南縣裁去守備千總各一員改設知縣典史各一員裁去教授一員改設訓導一員其附近普定縣之定南所裁併普定縣附近南籠廳之安籠所併南籠廳管轄裁去守禦所千總二員至普安州同城之普安衛應裁併歸州裁去守備千總經歷各一員仍俱屬安順府管轄但普安設有兩站州官僅可管理在城驛務吏目又有佐理巡捕之責其亦資孔一驛應設驛丞一員管理此貴西衛所之當裁併改設者也又會城西北之敷勇衛應改

設一縣而以修文濯靈息烽於襄四所附之卽名修文縣仍駐衛治亦屬貴陽府管轄裁去守備經歷各一員守禦所千總四員改設知縣典史各一員裁去衛教授一員改設訓導一員又永寧衛係川黔襟喉要地應改爲一縣而以普市所附之卽名永寧縣裁去守備經歷守禦所千總各一員改設知縣典史各一員裁去教授一員改設訓導一員畢節衛無州縣可歸亦應改爲一縣而以赤水衛附之卽名畢節縣裁去守備二員經歷二員千總一員改設知縣典史



各一員裁去教授二員改設訓導一員二縣俱屬大定府管轄至威寧府同城之烏撒衛應裁歸府裁去守備千總各一員及衛教授一員併歸府教授此西北衛所之當裁併改設者也再查衛所旣裁都司一官無所事事亦應裁去武闡事務卽令藩司料理操捕都司一官亦應裁去製辦火藥應照他省例責令城守營管理其都司經歷併應裁去以上共應裁去都司一員操捕都司一員都司經歷一員衛守備一十五員衛千總一十員守禦所千總一十員衛經歷

一十一員衛教授一十一員俱各資部改補共應改設知縣七員典史七員訓導七員驛丞二員應請內部照缺銓補再查各府有稱軍民者今旣概編爲民則軍民字樣亦應裁去等因前來臣覆加籌酌似宜裁併改設以昭畫一以垂經久通計議裁各官共六十員議設官共二十三員稍減經費以紓物力或亦省官省事之一助也至有各衛所田土人民跨入他境應查坐落附近州縣酌量歸併及新設之縣幅員太廣應查近隣州縣糧額多寡酌量割附容臣行令



該司逐一查明分晰另冊報部

普安等處仍食川鹽疏

王繼文

爲黔黎食貴難堪三省攤賠無著籲

恩減免以甦積困事竊照黔省普安等處改食川鹽滇省作何酌議一案前准部咨隨行布政司驛鹽道會議詳報去後茲催據該司道詳稱黔省既已改食川鹽爲定論在滇省何能強之仍食滇鹽且卽將滇省課稅嚴加核減以滇鹽較諸川鹽到黔所賣二兩殊屬懸殊喜賤惡貴係一定之民情應請准照黔省之議

普安廳志

卷之二十

十四

題達惟是滇省額徵課銀五千七百六十兩稅銀二百二十兩請於全書內豁除等因詳請具

題前來相應據詳咨覆准此又據雲南布政使于三賢驛鹽道副使于嗣昌會詳亦同前由到臣該臣會看得黔省普安等處改食滇鹽課重稅繁民苗困苦經前任督臣范承勳

題請減免部議不准奉

旨這事情著將舊欠銀一萬九千餘兩免令賠補其普安等處應作何行鹽四川雲南貴州總督巡撫會同議



奏欽此仰見我

皇上如天之仁如日之明不特爲邊末窮黎計一時之生全直欲享萬年之樂利漢夷商竈莫不頂頌

皇恩歡呼踴躍誠亘古所未有者也臣接准部咨當咨三省督撫並行雲貴司道從長妥議去後隨准雲南撫臣咨據司道會詳行據該商張貴等稱係普安等處崇山峻嶺夷民零星散處窮苦難買年壓一年作何底止且天下課稅莫重於此計每鹽百觔滇課一兩六錢稅銀六分二釐五毫曲靖府稅銀一釐四毫薪

普安廳志

卷之二十

十五

銀九錢腳價銀一兩七錢八分卽使賣銀四兩三錢尙屬不敷再加黔課銀三錢更無從出滇商苦於遠運黔民苦於價貴移請酌免又准貴州撫臣咨據司道會詳行據士民陸璉等稱係普安州等處四面環苗每年耕作除納正供之外所餘穀米不足以活家口川鹽不拘觔數零星可買而滇鹽必須整塊川鹽不拘米布皆可易換而滇鹽必須紋銀川鹽價賤每觔不及三分而滇鹽價重溢於四分三釐之外難受派銷之苦今幸



皇恩再生有機議令仍食川鹽川省照依舊例歲增水引七十二張增課銀二百四十五兩一錢黔省照部頒全書所開歲徵鹽稅銀八十四兩二錢五分零遇閏加銀七兩二分零滇省既不行鹽則額征課稅照數請豁又准四川督撫咨據司道會詳事關三省若欲軫念黔黎必致有虧滇課此豐彼嗇勢難兩全權其損益惟在雲貴督撫如仍食滇鹽是與川省無預如改食川鹽惟有恪遵川例庶於黔民有濟移請定議具

題各等因移臣臣思改食川鹽課稅實有所虧以量減滇額仍食滇鹽移行雲貴兩省再加確議覆准貴州撫臣咨稱普安等處蕞爾微區蒙

皇恩薄賦軫恤合計額編地丁銀止有三千一百餘兩今行鹽售價卽月減萬觔每歲尙須課稅薪脚等項銀一萬餘兩是較正供竟浮兩倍有餘窮黎萬萬不能取盈此額况自改食滇鹽以來歲增滇課何曾完解在滇在川羸絀雖殊而在國家必不惜此無徵虛額坐貽邊黎永累仍應改食川鹽豁出滇課以順輿情



又准雲南撫臣咨稱司道會詳卽將滇省課稅嚴加核減較諸川省所買甚屬懸殊應照黔省之議將滇省額徵課稅銀兩請於全書豁除等因咨覆前來臣查滇鹽課稅較諸川鹽課稅相去二十餘倍黔省普安等處遠在萬山之中民苗野處日給艱難以黑井最貴之鹽行於該處最窮之地不特民苗告苦卽商竈亦受賠累此等情形久在

皇上睿照之中故令食川鹽卽交相稱慶令食滇鹽卽環庭泣訴一聞奉

普安廳志

卷之二十

十七

旨會議咸稱千載一時是改食川鹽之議臣等眾論僉同矣但便民勢必虧課川省久有課額該省惟循成案且同食一鹽似難二視滇省旣不行鹽課稅無從徵收臣等反覆酌議若仍食滇鹽則於輿情有拂卽或量減滇額而合計課稅薪脚銀尙浮普安等處地丁正供數倍

皇上蠲賦輕徭節年以來不下銀錢萬萬何敢不仰體愛民至意以甦邊黎積困相應凜遵

恩旨議將普安等處改食川鹽川省照依課例歲增課銀



二百四十五兩一錢零黔省照依部頒全書所載歲增稅銀八十四兩零遇閏加增銀七兩二分零滇省無著鹽課稅照數豁免倘蒙俯順民情出自

皇上浩蕩洪仁非臣等所敢妄邀者也

請開上游驛站疏

鄂爾泰

爲請開路改站以速驛遞以便商民事黔省通滇大路陡窄紆盤舊稱羊腸一線如關嶺盤江等處尤屬險峻以故車馬難行商賈裹足臣擬由安順府之安莊另開新路直出普安州之亦資孔寬平俾可行車

普安廳志

卷之二十

六

以便來往前經臣

奏明續因黔員議論不一臣轉恐已見未確遂復暫停茲因公赴黔沿途復加查問咸稱新路平坦開修實便臣隨委員細勘詳覆今據布政司鄂彌達會同糧驛貴東道楊永斌詳稱查自鎮寧州屬黃果樹起岔入新路至普安州屬蒿子卡舊路止計程二百四十里零八分內花局阿樂郎岱等處道路寬平修整可以行車雖斗郎箐坡計止里許頗覺陡峻然險窄之處亦屬易開其餘土地打鐵簡古等關以及石龍那當



列當趕場豬場等坡本不甚高一經開平可成大道  
沿途河溝因地制宜各建大小木橋不難濟涉有西  
林一渡寬有百丈水勢畧緊然製造船隻亦便可穩  
渡查舊路自關嶺至普安州原係八驛道路崎嶇站頭  
甚遠內關嶺盤江江西坡軟橋四驛係驛丞經營其  
餘四站永寧普安二州普安安南二縣經管今所改  
新路自黃果樹起至蒿子卡止只須安設六驛既平  
且近每站計不過四十餘里應將原設之永寧普安  
二州安南普安二縣關嶺軟橋二驛經費撥入新驛

裁去盤江江西坡二驛合計應裁夫馬草料每年可  
節省銀一千八百八兩二錢零米一百三十二石四  
斗八升穀一千二百九十六石至官役俸工應仍留  
撥新驛將關嶺驛驛丞移駐坡貢盤江驛驛丞移駐  
那當江西坡驛驛丞移駐楊松軟橋驛驛丞移駐大  
山凹其普安縣舍基場議以普安縣典史移駐兼理  
驛務仍司緝捕至安順府親轄郎岱一驛卽以普定  
縣典史就近兼管仍理府屬郎岱一帶地方緝捕之  
事均應給以驛丞鈐記以省添設驛官其四驛驛丞



亦加以巡檢職銜兼司緝捕均歸各該管地方官專轄再所留之軟橋驛原無站夫今移駐大山凹立爲腰站所需站夫應於楊松亦資孔上下兩驛接換又營汎應設一營五汎塘撥二十三處除卽岱一汎仍令安籠原防弁兵安設不議外所有坡貢那當舍基場楊松大山凹共五站酌議於適中之那當設立一營餘爲四汎應需官兵查盤江營原爲孔道要隘是以設營兵守今旣改新路盤江毋須官兵兼防應將盤江營官兵移駐新路該營額設守備一員千總一

員把總二員兵丁二百八十名卽令守備一員千總一員帶兵二百八十名駐劄那當把總一員帶兵五十名分防坡貢汎再令把總一員帶兵五十名分防舍基汎至楊松一汎附近安南營應令該營將原防普安縣之千總一員帶兵五十名移防於此其大山凹一汎附近普安營應令該營撥把總一員帶兵五十名防守以二營汎如此安設於新改驛路始有裨益至於舊路營汎盤江營制旣經全移而永寧州汎原係該營撥防此路雖屬僻道州治不可無兵應將



安籠原防關嶺汎弁兵移駐州治卽於該汎內量撥兵丁分防關嶺盤江橋一路再安南營原防普安縣汎千總一員兵丁八十名除撤防新路之弁兵外尙餘兵三十名令安南營撥外委一名帶領防範如此安設則舊路亦可資巡查又盤江營移駐那當應請改名永安營鑄給關防總計所需修建道路橋梁船隻以及驛舍衙署營房等項共工料銀一萬一千五百八十七兩零應請於司庫動支正項銀兩卽委承勘之原任安順府知府何經文現任清鎮縣知縣張普安廳志

卷之三

三

世昌辦料興工俟工竣之日造冊

題銷一轉移間驛遞商民均爲捷便除圖冊送部外相應具

題

考試分棚疏

張廣泗

爲公懇詳請分棚考試以培人才事該臣看得黔省屬在遐邊漢夷雜處凡僻小郡治不能俱設考棚所以定有前赴別府合棚就考之例原屬因地權宜也比年以來恭值



聖治日隆百度具舉於郡邑之控馭不便者歸併管轄經理咸宜先據黎平府以黎平向祇轄永從一縣僅府縣兩學生童無幾皆赴鎮遠府合棚應試計程途五六百里不等今則添轄三縣合約生童不下二三千人又據南籠府以南籠府向係廳學生童皆赴安順府合棚應試計程途十站有零今則改廳爲府並隸二州二縣生童爲數已多若仍赴別府就考實屬偏累不便各據士子等懇請各設考棚應試等情由詳報到臣隨批布政司查議暨咨學臣會核去後茲准

學臣晏斯盛覆稱學政定例原應按府考校因黎平府南籠二郡向未設有考棚是以赴別府與試今各屬士子既呈請建棚分考永免長途跋涉守候之苦誠一舉兩便之謀事屬可行等因並據署布政司事糧驛道參議王廷琬詳據署黎平府事古州同知滕文炯南籠府知府黃世文各行查覆經前司議稱黎平添轄開泰錦屏天柱三縣南籠改廳爲府並隸普安永豐安南普安四州縣迥非從前規模可比在黎平合屬生童較前既多若令仍赴鎮遠候考甚屬苦



累卽如普安一州安南普安二縣雖從安順割隸南  
籠然此三州縣相距安順已有三百里以至四五百  
里不等其永豐一州乃粵西泗城土府地方嗣改爲  
州歸屬南籠自州至府計程已四五日而各州縣生  
童先赴府試之後復往安順候考尤爲遠涉各自設  
棚之請誠屬允合並聲明設立考棚出自士子等踴  
躍共捐應聽其經營建造仍令各該府留心稽察倘  
有劣矜棍徒敢於從中指藉滋事嚴加究治俟建造  
完竣報部備案查考等情詳候

普安廳志

卷之二十

三

題達前來臣查黎平向祇該府暨永從縣兩學南籠府  
原係廳學應試生童無幾今黎平已添轄開泰錦屏  
天柱三縣合計共有五學南籠改廳爲府並隸普安  
永豐二州安南普安二縣合計亦有五學生童眾多  
若仍令赴別府就試誠屬未便旣據該司等議覆各  
生童公懇設棚緣由所當仰邀

聖恩准照所請在於黎平南籠二府各自設棚考試庶多  
士益知奮勉而學校章程亦可底於畫一矣臣謹會

題



瑞穀靈芝疏

張廣泗

爲

聖德廣運極隆遐省嘉祥叠著萬姓歡呼千秋僅見事雍  
正七年十月二十三日據布政使司布政使鄂彌達  
署按察司事布政使鄂彌達署糧驛貴東道事貴西  
道參議王廷琬護理貴西道事南籠府知府黃世文  
會詳稱據署普安州事貴陽府同知朱東啟詳稱據  
州屬老農里長人等稟稱普安四面環山所有田土  
向來瘠薄今年叨賴

普安廳志

卷之三

二

皇恩秋成大有嘉禾瑞穀連穗多歧業將情形稟報在案  
乃不謂收穫之後有遺留在田之稻根於八月內忽  
又生芽長出青苗小民等猶以爲雨水調勻滋發之  
故不甚留意亦未加工豈意漸至茂盛揚花結實且  
非止一處盈阡滿陌再慶豐盈我等老幼婦子生長  
農家從來未見未聞不勝驚喜爲此捧持呈驗伏乞  
轉請上達

天聽俾知我等邊方人民何幸得享

帝澤宏敷至於此極等情轉報到司道仰見



聖主功隆化育德並生成全黔已著嘉穀之祥普屬復見  
稻孫之盛非憑人力對白露以吐華惟任土膏際濃  
霜而結實值斯一陽初復二穀重登實皆地道呈祥  
總由

天心協順之所致也理合會同詳請

題達並將復長瑞穀賚送到臣又於十月二十五日恭  
逢

萬壽臣率同各官在於

萬壽宮齊集坐班適據都勻府知府王鍾珣差人投稟內

普安廳志

卷之三

三五

稱奉委估修新開清水江河道卑府於本月二十三  
日在鷄賈苗寨河口督看復又相度緯路之時見有  
靈芝生於蠻石之上一時苗民工作人等爭相觀看  
齊聲頌揚以爲神異卑府隨即連石鑿取揣差呈送  
查閱等情前來臣當與司道文武大小各官並隨班  
之耆老紳士兵民人等望

闕嵩呼敬謹捧闕送到靈芝係從石內雙幹挺生長幾盈  
尺其芝蓋連理和合質地甚堅五色煥彩曷勝額慶  
欽惟我



皇上

德合乾坤

化隆位育

至治極雍熙之盛早已協應乎

天心

大公惟懷保之殷更又凝承於地道乃黔省遐邊一載  
以來既慶雲之一月七呈復大有之闔省普告固已  
羣遊

浩蕩之天共戴

普安廳志

卷之二十

二六

生成之賜矣今普安州地方於收穫之後所遺稻根內復  
自發生由苗而秀而實不費耕耘不假人力盈汗滿  
陌再見豐盈實爲從來未有之瑞益兆生生不息之  
機至於清水江河道本屬天地自然之利向爲生苗  
盤踞阻隔茲仰賴我

皇上恩威遐播開通利濟而沿河之鷄賈苗寨乃從未經  
官役人等往來之地頃值開修伊始遂有靈芝獻瑞  
煥彩非常尤遐省亘古之所罕聞者斯誠地氣默運  
轉移化樞結爲衣冠之象具齋報到日適遇



萬壽聖節華祝嵩呼同時萃集黃童白叟相率興歌從此  
宏開萬年有道之長咸頌

一人添壽之慶也臣等欣逢

聖世目擊嘉祥惟有凜體天人響應之

上諭益深寅畏務勉公忠不啻瞻覲

天顏依廻

楓陛所有送到稻孫並靈芝現在敬謹盛貯另爲捧齎恭  
進

御覽外臣謹會同雲貴廣西總督臣鄂爾泰合詞具

普安廳志

卷之三十

三

題伏乞

皇上睿鑒施行臣等無任踴躍懼忭之至爲此具本謹具  
奏

聞

